




ԱՄԵՆԱՅՆ ՀԱՅՈՑ ՀԱՅՐԱՊԵՏ ՄԿՐՏԻՉ Ա ԽՐԻՄՅԱՆԻ Հ Ի Շ Ա Տ Ա Կ Ի Ն *

«Ծով կենցաղոյս հանապազ վիս
այեկոծէ... Նառապետ բարի, լեր
անձին իմոյ ապառէն»:

ՍՈՒՐԲ ՄԵՍՐՈՊ ՄԱՇՏՈՅ

1982 թվականի հոկտեմբերին լրացավ Հայ Առաքելական Եկեղեցու ականավոր հոգևոր գործիչ՝ աստվածաբան, բանաստեղծ, մանկավարժ և հայրենասեր Սրբազնագույն Կաթողիկոս Մկրտիչ Ա խրիմյանի երանելի մահվան 75-ամյակը:

Երանաշնորհ Հայրապետ Մկրտիչ Ա-ի (ծնողովորդը նրան «Հայրիկ» էր անվանում) կյանքի ուղին հանդիսանում է քրիստոնեական պատգամներին հավատարիմ մնալու, Եկեղեցու հանդեպ նվիրված ծառայության, հայրենիքի ջերմ սիրո և վիթխարի աշխատասիրության մի վառ օրինակ:

«Հայոց Հայրիկ... ազատության և հարու-

թյան հոյս»։ այսպես էր գրում խրիմյան Հայրիկի մասին 20-րդ դարի սկզբին Գարեգին Եպիսկոպոս Տրապիզունցին (հետագայում Կ. Պոլսի պատրիարք) :

«Խրիմյանի վարձագումն ու հմտությունը միակողմանի էր, լոկ հայերենով սահմանափակված, միջազգային և օտարազգի տարբերով ճոխացած չէր... վարչական հանձնարք պակաս ըլլալու չափ քիչ էր, հեռատես և նախատես վգուշավորությունը յուր ասպարեղը էր... Բայց ուներ բնածին ուղիմություն մը, որ իր ըմբռնելու և հիշելու և որոշելու կարողությունը կկապմեր, ուներ բնատուր ճարտարություն մը, որով ամեն պարագայե անվնաս յուրս ելլելու կերպը կգտներ. ուներ գրավիչ ոճ մը և ազդեցիկ խոսք մը, որով գիտեր սրբաներու վրա տիրապետել, և ամենուն վրա ուներ անկեղծ և ուղիղ վզացում մը, որ ամեն թերություն կկրացներ... Ինքն գրիչն ու ստեղծիչն եղած է ազգասիրական և հայրենասիրական վզացմունքներու»¹:

Կաթողիկոս Մկրտիչ խրիմյանի գործունեությունը ծավալվում է 19-րդ դարի երկրորդ կեսին, երբ ուժեղանում է օսմանյան

* Թարգմանաշար հրատարակում ենք խրիմյան Հայրիկի կյանքին և նրա եկեղեցական, կրթական ու հասարակական գործունեությանը նվիրված Ա. Ումնովի: սույն շահեկան հոդվածը, որը լույս է տեսել Ռուս Եկեղեցու պաշտոնաթերթ «Журнал Московской патриархии» ամսագրի 1983 թ. 7—8 հաջորդական երկու համարներում: Որոշ հայ հեղինակների զերվածքներից, ինչպես նաև խրիմյան Հայրիկի գործերից կատարված մեջբերումները թարգմանվել են ռուսերենից՝ հոդվածում աղբյուրները լրիվ հիշատակված չլինելու պատճառով:

¹ Մ. արք. Փրմանյան, Ազգապատում, Երուսաղեմ, 1927 թ., հատոր Բ, էջ 5334—5335:

դաժան լուծը, որի հետևանքով գոհվում են հարյուր հազարավոր հայեր, իսկ կենդանի մնացածները թողնում իրենց հայրենիքը: Այդ ծանր օրերին խրիմյան կաթողիկոսը բաժանում էր իր հարապատ ժողովրդի վիշտը, գործնապես օգնում էր մարդկանց, խրատում իր բարի հովվական խոսքով:

Մկրտիչ խրիմյանը ծնվել է 1820 թվականի ապրիլի 4-ին Արևմտյան Հայաստանի հինավուրց Վան քաղաքում, բարեպաշտ և աշխատասեր գյուղացու ընտանիքում: Մինչև չափահաս դառնալը նա վրադրվում է ջուկակությամբ և միաժամանակ մեծ եռանդով հաճախում տեղի վանական դպրոցը: Վաղ հասակից Մկրտիչ խրիմյանը ցուցաբերում է արտակարգ ստեղծագործական ընդունակություններ: Նա առանձին սիրով վրադրվում է տարբեր գիտություններով, գրում է բանաստեղծություններ, խորապես ուսումնասիրում է աստվածաբանություն հիմունքները: Նրա սիրած գրքերից էր երջանկահիշատակ կաթողիկոս Հակոբ Կոստանդնուպոլսեցու «Ձեն հոգևոր» գիրքը:

19-րդ դարի 50-ական թվականների ըսկզբներին Մկրտիչ խրիմյանը, արդեն հասունացած մարդ, տեղափոխվում է Օսմանյան պետության մայրաքաղաք Կոստանդնուպոլիս իր կրթությունը շարունակելու նպատակով: Այնտեղ, քաղաքի հայկական թաղամասերից մեկում նա ամբողջովին նվիրվում է ուսուցչական գործունեության: 1854 թվականին 34-ամյա վարժապետը ծանր կորուստ է կրում. հանկարծակի մահանում են նրա երիտասարդ կինը և փոքրիկ աղջիկը:

Ապալինելով Աստուծո ամենալուր կամքին և ցանկանալով ավելի մերձենալ մեծավ մասամբ բարեպաշտ հայ գյուղացիությանը՝ խրիմյանը ուխտ է անում կուսակրոն հոգևորական դառնալու և ձեռնադրվում է արքեպիսկոպոս: Հետագա տարիներին, ամենօրյա եկեղեցական պաշտամունքների ժամանակ, հրոնք տեղի էին ունենում Կոստանդնուպոլսի ծայրամասում գտնվող մի փոքրիկ մատուռում, հայր Մկրտիչը իր քարույզական հավաքագյուտ ընդունակությունների շնորհիվ գրավում է ոչ միայն քաղաքի աշխատավոր հայ բնակչության՝ բեռնակիրների, շրջիկ առևտրականների, արհեստավորների, այլև հայ մտավորականության լայն շրջանակների ուշադրությունը: Պոլսի թե՛ հարուստ առևտրական թաղամասերից և թե՛ արվարձաններից մեծ թվով հայեր գալիս էին լսելու խրիմյանի կիրակնօրյա քարոզները, որոնք աչքի էին ընկնում բազմիկ պերճախոսությամբ:

Պատարագի ժամանակ նրա սրտառու ձայնը, որ Աստծուց ողորմություն էր խնդրում իր տառապող ազգակիցների համար, մինչև

ոռգու խորքը ցնցում և հուզում էր բոլոր ներկաներին:

Այդ տարիներին խրիմյանը անձնատուր է լինում աղոթքի և պահեցողության, կատարելագործվում է Սուրբ Գրքի ընթերցման և մեկնաբանման մեջ և միաժամանակ եռանդով վրադրվում գրականությամբ և բանաստեղծությամբ:

Կոստանդնուպոլսի հայկական համայնքներում իր հոսի մասին հոգացող հովվի՝ Մկրտիչ խրիմյանի համբավը գնալով մեծանում է:

1857 թվականին Կ. Պոլսի Հայոց պատրիարքի օրհնությամբ նա դառնում է Վանի շրջանի Վարագա վանքի վանահայրը, իսկ հետագայում ստանում է վարդապետական աստիճան: Որպես վանահայր, նա հիմնում է վանքին կից օրինակելի մի դպրոց, որտեղ այլ առարկաների թվում դասավանդվում էր նաև գյուղատնտեսություն: Վանական դպրոցում ուսուցվող գիտությունների դասընթացն ավարտած երիտասարդներին նա ուղարկում է արտասահման՝ շարունակելու իրենց կրթությունը, կազմակերպում է թանգարան, օրինակելի գրադարան և տպարան: 1857 թվականին նա Վարագա վանք է տեղափոխում Կոստանդնուպոլսում 1850 թ. իր իսկ կողմից հիմնված ամսագիրը, որն այն ժամանակ կրում էր «Արծիվ Բյուզանդիայի» անունը, իսկ հետագայում այն վերանվանվում է «Արծիվ Վասպուրականի»: Այդ հանդեսի հրատարակումը համարյա եզակի մի փորձ էր ստեղծելու ինքնուրույն հայկական մամուլ ոչ թե Կոստանդնուպոլսում, այլ Արևմտյան Հայաստանի կենտրոնում: «Արծիվ Վասպուրականի» ամսագիրը ուղարկվում էր ձրի բոլոր ցանկացողներին: Այն իր գոյությունը դադարեցրեց գլխավորապես թուրքական իշխանությունների ճնշման հետևանքով:

Շուտով Մկրտիչ խրիմյանը եպիսկոպոս է ձեռնադրվում և նշանակվում առաջնորդ Մուշ քաղաքում, որի շրջակայքում էր գտնվում Սուրբ Կարապետ վանքը:

Այս վանքը միջնադար

նր չէր կարող չտեսնել, որ հայ քահանայից դասը բավարար չափով կրթություն չուներ, քանի որ նրա մտավոր պատրաստությունը մակերեսային բնույթ էր կրում: Հայ վանականները և քահանաները հաճախ երկրով մեկ թափառում էին ինչպես պանդուխտներ: Քահանաները իրենց ծուխերում իրենց գոյությունը պահպանում էին հիմնականում այն վարձատրության շնորհիվ, որ ստանում էին ծիսակատարությունների դիմաց: Նրանց հոգևորականության շնորհիվ նրա թեմի հոգևորականների կրթական մակարդակը չգալիորեն բարձրանում է, միաժամանակ ծուխերում կարգավորվում կանքը: Չեղբ բերելով Կոստանդնուպոլսի հայոց պատրիարքի օժանդակությունը Մշո առաջնորդարանում միասնական եկեղեցական գանձարկղ ստեղծելու հարցում, Մկրտիչ եպիսկոպոս Նրիմյանը կարողանում է կազմակերպել քահանաներին մշտական համեստ գումարներ վճարելու գործը: Նա կարողանում է նաև իր թեմի համայնքների հարուստ առևտրականներին համոզել, որ նվիրատվություններ անեն հոգուտ ամենաչքավոր ընտանիքների:

Այդ ժամանակվա Թուրքիայի ներքին քաղաքական կացությունը, ինչպես նաև Օսմանյան պետության մայրաքաղաքային և տեղական վարչական ու ռազմական իշխանությունների վերաբերմունքը հայերի նկատմամբ բավականին դժվարացնում էին Մկրտիչ եպիսկոպոսի կողմից բարենպաստ ձեռնարկումների իրագործումը Հայ Եկեղեցու օգտին: Ծանր ու դժվարին ճանապարհների մեջ դնելով՝ Աստված կարծես ուզում էր փորձության ենթարկել Հայ Եկեղեցու նվիրվածությունը իր կամքին: Մինչև այսօր էլ Հայ Եկեղեցին, համաձայն իր հին ավանդությունների և ծեսերի, հանդես է բերում իր բոլորակալեր սերն ու նվիրվածությունը Ամենաբարձրյալին:

Ղրիմի պատերազմի տարիներին (1853—1856) թուրքական իշխանությունները զանգվածային ճնշումներ են գործադրում հայերի դեմ Մուշի, Էրզրումի և Վանի նահանգներում, որոնց հայ ազգաբնակչությունը չէր թաքցնում իր համակրանքը Ռուսաստանի նկատմամբ: Թուրք պաշտոնյաների ճնշումը ծանր լուծ է հանդիսանում քաղաքային և գյուղական բնակչության համար. թուրք դատավորների, գալմազանների և վապոտիների հարստահարումներն ու կեղեքումները չափ ու սահման չունեին:

Դարավոր ճնշումն ու հալածանքը, անողոր շահագործումը, մարդկային արժանապատվության ոտնահարումը հայ գյուղացուն դարձնում են ճակատագրին հյու-հնազանդ, ամեն ինչի նկատմամբ անտարբեր մի էակ:

Սուլթան Աբդուլ-Ազիզի (1861—1876) օրոք Օսմանյան պետության կողմից հայերի հանդեպ գործադրվող ազգային և կրոնական ճնշման եղանակները ստանում են նպատակալաց, սխտեմատիկ բնույթ: Թուրքական վարչակազմը ծայր աստիճան անողոր էր սուլթանի այլադավան հպատակների նկատմամբ, որպիսիք էին հայերը: Հայերի ճակատագիրը որոշված էր. նրանք Թուրքիայի ասիմիլացիայի օբյեկտ էր դադարեցնում ազգ լինելուց, այլ կերպ ասած՝ նրանք դատապարտված էին բնաջնջման:

Բազմաշարժար հայ ժողովուրդը միախառնության և առաքելական կենդանի խուսի կարիքն ուներ: Նա արիաբար տանում էր ամեն տեսակի տառապանքներ և մահանում հավատարիմ մնալով իր Փրկչին: Եվ ահա Աստված հայերին ողորկեց մի հոգևոր առաջնորդ և ուսուցիչ հանձնի Նրիմյան Հայրիկի:

Մկրտիչ եպիսկոպոսը համոզված էր, որ հայ գյուղացին ունի հոգևոր և ֆիզիկական ուժ իր պարզացման և վերածնության համար, սեփական մշակույթ, տնտեսություն և արդյունաբերություն ստեղծելու համար: Անհրաժեշտ էր միայն, որ ժողովուրդը հավատք ունենա իր ուժերի նկատմամբ: Նրիմյանի գլխավոր պնդումը իր հովվական խոսքն էր՝ ջերմ, սրտառու, բոլորին մատչելի: «Երբ քո մասին դատում են իբրև տգետ և անբնդունակ մանկան մասին,—գրում էր Նրիմյանը,—ապա ո՛վ է մեղավոր. դո՛ւ, թե քեզ կերակրողները, որ

երա նախատեսումով» (Հռմ. Ը, 28):

Հայ Եկեղեցու հոգևոր սպասին բերած իր մեծ վաստակի համար Խրիմյանին շնորհվում է արքեպիսկոպոսության պատիվ, իսկ 1869 թվականին Աստուծո կամքով նա ընտրվում է Կոստանդնուպոլսի Հայոց Պատրիարք: Սկսվում է նրա կյանքի և եկեղեցական գործունեության մի նոր շրջան: Սակայն Խրիմյանը Օսմանյան կայսրության մայրաքաղաքում երկար չի մնում:

Անցյալում Հայ Առաքելական Եկեղեցին ձեռք էր բերել Թուրքիայում քաղաքական մեծ կշիռ, որը հետևանք էր այն բանի, որ օսմանցիները, զավթելով Կոստանդնուպոլիսը 15-րդ դարի կեսերին, ուղղափառ նոր հպատակներին ռում միլլեթի (հույն ժողովուրդ) անվան տակ ենթարկեցին Կոստանդնուպոլսի Գեննադի պատրիարքի (1453—1459, վախճանված՝ 1464 թվականին) հոգևոր և աշխարհիկ իշխանությանը, իսկ իրենց ենթակա հայերին 1466 թվականին միավորելով էրմենի միլլեթի (հայ ժողովուրդ) անվան տակ, հանձնեցին Կոստանդնուպոլսի հայոց պատրիարքի հովանավորությանը, որը, բացի հոգևոր իշխանությունից, վայելում էր նաև պզալի աշխարհիկ իշխանություն: Կոստանդնուպոլսի Աթոռը Հայ Եկեղեցու ամենահեղինակավոր Աթոռներից մեկն էր շնորհիվ իր հավատացյալների մեծ թվի և: հայկական համայնքում գոյություն ունեցող համերաշխ կյանքի: Սակայն 19-րդ դարի 30—40-ական թվականներին թուրքական իշխանությունների ճնշման հետևանքով Կոստանդնուպոլսի հայ պատրիարքները ստիպված եղան իրենց տրված իշխանությունը բաժանել 12 հոգուց բաղկացած աշխարհականների խորհրդի հետ: Աբդուլ Մեջիդ սուլթանի օրոք (1839—1861), 1860 թվականին, հաստատվում է այսպես կոչված «Ալ-գային սահմանադրությունը», որը մշակվել էր հայոց ազգային ժողովում: Համաձայն այդ սահմանադրության, Բարձրագույն Դռան սահմաններում բնակվող բոլոր հայերի հոգևոր և քաղաքական կյանքի ղեկավարումը պատկանում էր երկու ժողովների. կրոնական ժողով՝ բաղկացած 14 եպիսկոպոսներից, պատրիարքի նախագահության ներքո, և քաղաքական ժողով՝ բաղկացած 20 հոգուց, որոնք ընտրվում էին 400 հոգուց բաղկացած ներկայացուցիչների ժողովի կողմից: Սուլթան Աբդուլ-Ալիյը սահմանափակում է հոգևորականների, եպիսկոպոսների ազդեցությունը կառավարման գործում՝ ավելի շատ իրավունքներ տալով քաղաքական ժողովին, որը բաղկացած էր հարուստ հայերից: Սուլթանի կառավարությունը հույս ուներ, որ այդ ձևով

կարող է թուլացնել Կոստանդնուպոլսի հայոց պատրիարքի ազդեցությունը բազմամարդ արևմտահայ համայնքի վրա՝ միաժամանակ նպատակ ունենալով թուլացնել Թուրքիայում ապրող հայերի շրջանում Ծայրագույն Պատրիարք Ամենայն Հայոց Կաթողիկոսի հեղինակությունը և հոգևոր իշխանությունը (նրա Աթոռը գտնվում էր Սուրբ Էջմիածնում՝ Արեվելյան Հայաստանում, որը 1828 թվականին մտել էր Ռուսաստանի կազմի մեջ):

Հենց սկզբից թուրքական կառավարությունը կասկածամտությամբ էր հետևում Մկրտիչ Խրիմյանի գործունեությանը՝ այն պատճառով, որ վերջինս մեծ հեղինակություն էր վայելում ոչ միայն Կոստանդնուպոլսի հայ պատրիարքությանը հավատարիմ հավատացյալների մոտ, այլև հայ-ունիաթների մոտ: Խրիմյանը իր քարոզներում անողորմ կերպով խարսկանում էր հայ հասարակության ունեվոր խավի ներկայացուցիչների եսասիրությունը և անսկզբունքայնությունը. նրանք հաճախ իրենց դասային և նյութական շահերը գերիվեր էին համարում և պատրաստ էին ամեն տեսակ փոխվիշտների օսմանցիների և: Խրիմյանն ինքը, բառիս բուն իմաստով, իր հազուստները հանում և տալիս էր չքավորներին և թշվառներին, այցելում էր խուլ և աղքատ հայկական թաղամասերը, նյութապես օժանդակում, օգնում էր խորհուրդներով, մխիթարում էր հայ չքավոր գաղթականներին և Բերայի նավահանգստում աշխատող բեռնակիրներին: Նա մշտապես կրում էր հասարակ մի ֆարաջա, ճամփորդում էր միայն ոտքով, չէր սիրում հանդիսավորություն և պերճանք: Խրիմյանի այդպես հասարակ և մարդամոտ լինելը մերձեցնում էր նրան հայ աշխատավորներին:

Այդ տարիներին հայտնի վիպասան Րաֆֆին հետևյալն էր գրում Խրիմյանի մասին. «Սեփականությունը նորա համար ոչինչ նշանակություն

խանություններին: Թուրքական հետադիմական մամուլը աշխատում էր ամեն կերպ չարամտորեն վարկաբեկել խրիմյան Հայրիկին: 1873 թվականին նա ստիպված է լինում թողնել պատրիարքական Աթոռը Կոստանդնուպոլսում և որպես արքեպիսկոպոս հեռանալ ու գնալ Վան: «Խրիմյանը դիվանագետ չէր և այդ պատճառով չորս տարի անց թողեց պատրիարքությունը»,—գրում էր նույն 1873 թվականին Բաֆֆին: Խրիմյանն ինքը այսպես էր ասում իր մասին. «Իմ հրաժարման պատճառը թախիծն ու հուսահատությունն է: Ես եկա գործելու համար, բայց ոչինչ չկարողացա անել»:

Շուրջ քսան տարի (1873—1892) Մկրտիչ խրիմյանը եղել է Վանի թեմակալ արքեպիսկոպոս: Այդ տարիներին նա հանդես է բերում մեծ եռանդ հայ բնակչությանը հասարակական օգնություն կազմակերպելու գործում: 1876 թվականին ահավոր մի հրդեհ համարյա ամբողջովին ոչնչացնում է իր հայրենի քաղաք Վանը: Մկրտիչ արքեպիսկոպոսը այդ առթիվ գրում է բանաստեղծական մի ստեղծագործություն, որի մեջ նկարագրում է վանեցիների անելանելի վիակը և կոչ է անում աշխարհի բոլոր հայերին օգնելու քաղաքի բնակչությանը:

Ավելի ուշ, 1879 թվականին, ահավոր մի սով է տիրում Արևմտյան Հայաստանում: Խրիմյան Հայրիկը լինում է սովյալների օգնության գլխավոր կազմակերպիչը: Կարճ ժամանակում ձեռք բերած հեղինակության շնորհիվ նրան հաջողվում է զգալի մի գումար հանգանակել: Կազմակերպելով բարեգործական կոմիտեներ՝ Վանի արքեպիսկոպոսը անձամբ մեկնում է Փոքր Ասիայի խորքերը, որպեսզի աղետոյալ բնակչությանը նրպաստ բաժանի: Անդուլ հոգատարություն ցուցաբերելով կարիքավորների հանդեպ՝ նա օգնում է բոլորին առանց հաշվի առնելու նրանց դավանանքը, օգնում է ինչպես քրիստոնյաներին, այնպես էլ մահմեդականներին: Նրա սրտում անջնջելի կերպով դրոշմված էին Աստուծո հետևյալ խոսքերը. «Սիրի՛ր քո ընկերոջը, ինչպես սիրում ես ինքդ քեզ» (Մարկ. ԺԲ, 31):

1877 թվականի գարնանը, այսպես կոչված «բալկանյան հարցի» պատճառով պատերազմ է սկսվում Ռուսաստանի և Թուրքիայի միջև:

Այս իրադարձություններից կես դար առաջ ռուս-պարսկական պատերազմը (1826—1828) ավարտվել էր 1828 թվականի փետրվարի 10-ին Թուրքմենչայի հաշտության պայմանագրի կնքումով, որի համաձայն Երևանի և Նախիջևանի խանությունները մտել էին Ռուսաստանի կազմի մեջ: Այսպիսով, շահա-

կան Պարսկաստանի իշխանության տակ գտնվող Արևելյան Հայաստանը ապստամբվել էր բազմադարյան լծից: Կարելի էր ենթադրել, որ 1877—1878 թվականների ռուս-թուրքական պատերազմը նույն ձևով կվճռի նաև թուրքահայերի ճակատագիրը:

1877 թվականի ապրիլի 12-ին ռուսական Դանուբյան բանակի հետ միաժամանակ Փոքր Ասիա է ներխուժում Անդրկովկասյան բանակը գեներալ Լորիս-Մելիքովի հրամանատարության ներքո: Բայազետի, Արդահանի, Ղարսի և Էրզրումի հսկող ամրոցներն ու պարիսպներն ընկնում են:

Ռուսական զենքի հաջողությունները Արևմտյան Հայաստանում և թուրքերի պարտությունը պատճառ են դառնում, որ վերջիններս վրեժ լուծեն հայերից:

Հայտնի ծովակալից Բ. Կ. Ալվալովսկոյ եղբայրը՝ Գաբրիել արքեպիսկոպոս Ալվալովսկին, նյութական և բարոյական մեծ օժանդակություն է ցուցաբերում Թիֆլիսի, Զուլայիսի գավառներում և Ռուսաստանի տսիմաններում թուրք բաշիբուզուկների բռնություններից և վայրագություններից փախած և ապաստան գտած հայ գաղթականներին:

Այս պատերազմը ապստամբում է Բալկանյան թերակղզում ապրող քրիստոնյա ժողովուրդներին՝ բուլղարներին և սերբերին: Մկրտիչ արքեպիսկոպոսը ուշադրությանը հետևում է ռազմական գործողությունների ընթացքին և մամուլի էջերում հանդես է գալիս ի պաշտպանություն ճնշված հայերի:

1878 թվականին Մկրտիչ արքեպիսկո

միջնորդությունը և առաքելությունը անհաջողության են մատնվում իրենից անկախ պատճառներով:

Հայ Եկեղեցու մի այլ ներկայացուցիչ՝ Խորեն Եպիսկոպոս Նար-Պեյը, այցելում է Պետերբուրգ, հանդիպում է ունենում Ռուսաստանի վարչապետ իշխան Գորչակովի և կոմս Իգնատիևի հետ: Վերջինս ռուսական պատվիրակության ղեկավարն էր Սան-Ստեֆանոյում Թուրքիայի հետ հաշտության պայմանագիր կնքելու նպատակով տեղի ունեցած բանակցությունների ժամանակ, 1878 թվականի փետրվարին: Նար-Պեյին ընդունում է Ալեքսանդր Բ ցարը:

Լինելով հեղինակավոր եկեղեցական գործիչ և հայ ժողովրդի կյանքին քաջաձանոթ հոգևորական՝ Մկրտիչ արքեպիսկոպոս Նորիմյանը Խորեն Եպիսկոպոսի, Մինաս Չերապի և Ստեփանոս Փափապյանի հետ միասին նշանակվում է Բեռլինի վեհաժողովի (1878 թվականի հունիս) հայկական պատվիրակության անդամ: Վեհաժողովի նախագահն էր Գերմանական կայսրության վարչապետ Օտտո ֆոն Բիսմարկը:

Բեռլինում հայ պատվիրակներին հրավիրում են թուրքական դեսպանատուն, որտեղ նրանց առաջարկում են դադարեցնել իրենց գործունեությունը և վերադառնալ Կոստանդնուպոլիս՝ խոստանալով տեղում լուծել բոլոր հարցերը: Լավ իմանալով օսմանիցների խոստումների արժեքը՝ Նորիմյան Հայրիկը մերժում է այդ առաջարկը: «Հայկական հարցը հենց Հայաստանում է, իսկ մենք այն Բեռլինում ենք փնտրում», գրում էր ջերմ հայրենասեր, արևմտահայերի կյանքին քաջ ծանոթ Գարեգին վարդապետ Սրվանձությանը: Հուտով հաստատվում է նրա խոսքերի ճշմարտացիությունը:

«1878 թվականին էլ, երբ կրկին [սկսեց] ռուս-տաճկական պատերազմը, և երբ դարձյալ ռուսական բանակը հասավ Պոլսի շենքը, —գրում էր իր հոդվածներից մեկում Հովհ. Թումանյանը,—դարձյալ երևաց Անգլիան. դուրս իսկեց իր նավատորմիդը և ռուսին կանգնեցրեց Սան-Ստեֆանոյում: Այա Գերմանիայի հետ հաղթողին տարավ Բեռլին, դիպլոմատիական ջարդ տվեց նրան և միաժամանակ ջարդեց հայկական հարցը, կամ ավելի ճիշտը՝ թարսեց, 16-ը շինեց 61, ռուսաց զորքի փոխարեն հողվածի մեջ մտցրեց սուլթանի անունը և նրա բարեհայեցողությանը հանձնեց հայ ժողովուրդը»³:

1878 թվականի հուլիսի մեկին հայկական պատվիրակությունը, Մկրտիչ արքեպիսկո-

պոսի գլխավորությամբ, իր բողոքը ներկայացնում է վեհաժողովի նախագահ Բիսմարկին: Ահա դրա բովանդակությունը. «Հայկական պատվիրակությունը իր ափսոսանքն է հայտնում, որ հայերի օրինական և միանգամայն չափավոր պահանջները չընդունվեցին վեհաժողովի կողմից: Հայերը հասկացան, որ իրենց խաբել են և չեն ճանաչել իրենց ներքինը»:

Ռուս-թուրքական պատերազմում Թուրքիայի պարտությունից հետո սուլթան Աբդուլ-Համիդ Բ-ը (1876—1909) ցրում է սահմանադրության հիման վրա գումարված մեջլիսը և երկրում մտցնում է դաժան տեռորի և բռնության ռեժիմ, որը պատմության մեջ «պուլում» անունն է կրում:

«1878 թվականին էլ մեզ կօգնեին ռուսները և էսօրվա դրությունը չէր լինի, —գրում էր Հովհ. Թումանյանը,—եթե չլիներ Անգլիան և եվրոպական երկրների կոնցերտը: Ռուսաստանը դուրս չէր բերում իր զորքերը տաճկական վիլայետներից, մինչև սուլթանը չիրագործեր հայկական բարենորոգումների ծրագիրը, բայց նրան ստիպեցին, զորքը լուրս բերին, մեջտեղը մնացին դատարկ խոսքերն ու խոստումները, որոնց չկատարելու համար Տաճկաստանը ավելի ևս եռանդով կապվ հայն ու «հայկական հարցը» մեջտեղից վերացնելու դժոխային գործին»⁴:

19-րդ դարի 80-ական թվականներին Նորիմյան Հայրիկը Սրվանձությանի և Փորթուգալյանի հետ միասին դառնում է Վանում և ամբողջ Վասպուրականի ջրջանում ծավալված հայ ժողովրդի պատագրական պայքարի ոգեշնչողն ու կապմակերպիչը:

կերպով հավատում է, թե իր խոսքն ապոմ է, թե իր խոսքը կարող է հեղափոխել հայությանը, որովհետև նա ինքը հավատում է խոսքի անհաղթելի ուժին, հավատում է ճշմարտությանը, հավատում է, թե արդարությունը վերջ ի վերջո հաղթող կհանդիսանա:

Միայն այդ տեսակ **համոզվածները** կարող են ժողովրդական մարդիկ լինել. դրա մեջն է խրիմյանի ժողովրդական մարդ լինելու գաղտնիքը:

Խրիմյանը օպտիմիստ է, լավատես է այդ բանի բուն քրիստոնեական մտքով. նրա համար չկան վատ մարդիկ աշխարհիս երեսին, այլ կան միայն մոլորված մարդիկ:

...Նա համառ է իր մտքերի, իր գաղափարների, իր դավանած սկզբունքների մեջ: Նույն տոկուն, անհաղթելի համառությամբ շարունակում է նա մարտնչել ... որևէ անարդար պահանջների դեմ. մի քարյա պուն, որին ո՛չ հողմը, ո՛չ էլ մրրիկը չեն կարող շարժել իր ամուր պատվանդանից⁵:

Մկրտիչ արքեպիսկոպոսը ավելի ու ավելի մեծ հարգանք է վայելում Կ. Պոլսի հայոց պատրիարքության բարձրաստիճան հոգևորականների շրջանում և 1884 թվականին ընտրվում է կրոնական ժողովի նախագահ Կոստանդնուպոլսում: Սակայն արդեն 1891 թվականին թուրքական կառավարության պահանջով նա ստիպված է լինում մեկնել պատվավոր աքսոր Երուսաղեմի հայոց պատրիարքության մոտ: Երուսաղեմում Մրկրտիչ արքեպիսկոպոսը բնակվում է հայոց վանքում, որը գտնվում էր հայկական թաղամասում, քաղաքի հարավային կողմը: Նա հաճախ պատարագում էր Սուրբ Հակոբ առաքյալի անունը կրող հայկական տաճարում:

1892 թվականին Աստված Մկրտիչ արքեպիսկոպոսին կոչում է մի նոր սխրանքի՝ որպես առաջին սպասավոր ծառայելու ի փառս Հայ Առաքելական Եկեղեցու: Ամենայն Հայոց երանաշնորհ Հայրապետ Մակար Թեղուտցի (վախճանված 1891 թվականին) կաթողիկոսի մահվանից հետո Մկրտիչ արքեպիսկոպոսը միաձայն ընտրվում է կաթողիկոս Սուրբ Գրիգոր Լուսավորչի հայրապետական գահին:

Չնայած Օսմանյան Բարձրագույն Դռան ուղղակի դիմադրությանը, ռուսական կառավարությունը և Սուրբ Մինողը հաստատում են խրիմյանի ընտրությունը որպես Ամենայն Հայոց Կաթողիկոս (1893 թվականի հունիսին այդ առթիվ հանձնվում է Ալեքսանդր Գյարի հրովարտակը, որով հաստատվում է նրա ընտրությունը):

1894 թվականին Ալեքսանդր Ծառուբյանը

հետևյալն է գրում «Հանդես» ամսագրի էջերում. «...Եվ ահա այդ խնկելի անձն այսօր Ամենայն Հայոց Կաթողիկոս է:

«Վասպուրականի Արծիվը», որ հին Սիոնի բարձունքից միայն գողտրիկ երազներում էր թռչում դեպի Մայր-Երասխի ափունքը, դեպի նվիրական Արարատը, այսօր վերջապես նա արթուն աչքով, լույս ցերեկով պացավ դեպի նոր Սիոն, դեպի իր կարոտած Մասիսը: Հպոր թևերով նա ձեռքեց ամպերը, անցավ ծով ու ցամաք, լեռներ ու դաշտեր—և ահա հեռադետ ու լուսահայաց ձախրում է Էջմիածնի սրբավայրերում, սավառնում է Լուսավորչաշեն Տաճարի խաչապսակ գմբեթի շուրջը:

Մի սիրտ, որ բազում տարիներ տանջվում, տառապում էր ազգի ցավերով, մի սիրտ, որի խորքերում ազգը կանգնել էր իր դարևոր հարեճաստիություն, իր դարևոր իղձերի նվիրական սեղանը—այդ մեծ սիրտն այսօր ուժգին տրոփում է Լուսավորչի լուսավարող Գահի վրա⁶:

19-րդ դարի վերջին տասնամյակը նշանավորվում է մի նոր ողբերգությամբ, որը տեղի է ունենում Փոքր Ասիայում: Սուլթան Աբդուլ-Համիդը սկսում է սիստեմատիկ կերպով ոչնչացնել հայ ազգաբնակչությանը կանոնավոր բանակի և նորաստեղծ հեծելազորի՝ համիդիեի օգնությամբ: Այդ հեծելազորն ստեղծվել էր 1891 թվականին:

1894—1896 թվականներին օսմանյան կառավարությունը Թուրքիայի հայա

էր. «1896 թվականի հունիսի 15-ից 25-ը Վաւը և նրա շրջակա հարթավայրի գյուղերը հրդեհվել էին... Բոլոր եկեղեցիները, վանքերը և հատկապես հայտնի Վարագա վանքը կողոպտվել և ավերվել էին»⁷:

1890-ական թվականների կոտորածների լուր են դառնում հարյուր հազարավոր հայեր: Հուր 100.000 մարդ ապաստան են գտնում Հյուսիսային Կովկասում, Ռուսաստանում, Բուլղարիայում, Ռումինիայում: Հարյուրավոր գյուղեր թալանվել, հրի և սրի էին մատնվել, սակայն արյունահեղ սպանդի վերջը չէր երեւում:

Արևելյան Հայաստանի քրիստոնյա բնակչության նկատմամբ Թուրքիայի կատարած չարագործությունների լուրը Նորիմյան Հայրիկին գգում է խոր հուսահատության մեջ: Նա հրամայում է հանուն հավատքի փոխված հայ նահատակների համար բոլոր հայկական եկեղեցիներում պատարագի ժամանակ հոգեհանգիստ կատարել:

Հայտնի գրող Ղապարոս Աղայանը (1840—1911) հայ ժողովրդի համար ողբերգական այդ օրերին գրում էր. «Ես իմ մեջ կրում էի հայրենիքի ջերմ սերը, բայց մի հանգամանք պատճառ դարձավ, որ այդ սերը բացավառվի: Մի երկնային կայծով Նորիմյան Հայրիկը բոցավառեց այդ սերը իմ հոգում: Հայրիկի քարոզը առաջին անգամ լսեցի Թիֆլիսի Սուրբ Գևորգ եկեղեցում»⁸:

Ավելի ուշ, հայ մեծ բանաստեղծ Հովհ. Թումանյանը խոր ողբերգությամբ և դառն կրքով լի իր «Երկու հայրիկ» բանաստեղծական նովելում նկարագրում է Նորիմյան Հայրիկին ժողովրդական վշտի այդ օրերին: Նովելը գրված է 1907 թվականին և նվիրված է Հայրիկի հիշատակին: Թումանյանը գրել է նաև «Հայոց վիշտը» իր հայտնի բանաստեղծությունը 1915 թվականի Եդեռնի տարում, երբ Փոքր Ասիայում նահատակվեցին մեկ և կես միլիոն հայեր: «Հայոց վիշտը» բանաստեղծությունը արտացոլում է բանաստեղծի թախծալի մտորումները իր երկրի պատմության վերաբերյալ: Սա հայ ժողովրդին նվիրված բանաստեղծական մի ռեփլիեմ է, որի մեջ հեղինակը ողբում է իր ժողովրդի բազմադարյան ահավոր ճակատագիրը:

«Հայոց վիշտը անհուն մի ծով,
խավար մի ծով ահագին,
էն սև ծովում տառապելով,
Լող է տալիս իմ հոգին:

⁷ Էդ. Տրիտ, Արևելյան պրոբլեմը և հայկական հարցը, Սանկտ Պետերբուրգ, 1913 թ., էջ 397:

⁸ Ղ. Աղայան, Իմ կյանքի գլխավոր դեպքերը, Թիֆլիս, 1894 թ.:

Մերթ վայրացկուտ ծառս է լինում
Մինչև երկինք կապուտակ,
Ու մերթ հոգնած սուգվում, իջնում
Դեպի խորքերն անհատակ:

Ոչ հատակն է գտնում անվերջ
Ու ոչ հասնում երկնքին...
Հայոց վշտի մեծ ծովի մեջ
Տառապում է իմ հոգին»:

Թուրքական բռնակալների դեմ բողոքի ալիքը և տառապյալ ժողովրդի նկատմամբ կարեկցանքը համակել էին ինչպես ռուս հասարակայնության, այնպես էլ արևմտաեվրոպական երկրների առաջադեմ լայն շրջանակները:

1896 թվականի սեպտեմբերի 8-ին ակաւակոր նկարիչ Ի. Կ. Այվազովսկին Թեոդոսիայից Նորիմյան Հայրիկին ուղարկել էր մի նամակ, որի մեջ վայրույթով էր խոսում Թուրքիայում տեղի ունեցած հայկական կոտորածների մասին՝ նշելով, որ ինքը նպատակ ունի այդ թեմայով մի նկար ստեղծել: Մեծ նկարիչն ստեղծում է մի շարք կտավներ՝ նվիրված 1894—1895 թթ. հայ ժողովրդի կյանքում տեղի ունեցած ողբերգական իրադարձություններին: Այդ նկարների էսքիչները Այվազովսկին ուղարկել էր Պետերբուրգ, որպեսզի հրատարակվեն «Եղբայրական օգնություն աղետյալ հայերին» անունը կրող գրական գեղարվեստական ժողովածուի մեջ:

Չնայած ծանր փորձություններին՝ հայ ժողովուրդը գլուխը չխոնարհեց: Արդեն 1894 թվականի օգոստոսին, երբ թուրքական զորքերը ներխուժում են Սասուն, հայերը հերոսական մարտեր են մղում թվով իրենցից տասնապատիկ գերազանց թշնամու դեմ՝ վերականգնելով քաջարի սասուն

նրանք նախօրինակ հանդիսացան Սարգս-
րապատի հայ հերոսների փառքի:

Ձեյթունի ապստամբության տարում, մարտ
ամսին, Հայ Եկեղեցու Հովվապետը պաշտո-
նական այցով մեկնում է Պետերբուրգ՝ հա-
կառակ իր ծերունական հասակին և հակա-
ռակ ճանապարհի երկարությանը: Մկրտիչ
Խրիմյանի այցի գլխավոր նպատակն էր միջ-
նորդել ռուսական կառավարության մոտ՝
պաշտպանելու Արևմտյան Հայաստանի քրիս-
տոնյա բնակչությանը: Կաթողիկոս Մկրտիչ
Խրիմյանը պատմում է հայ ժողովրդի գլխին
էկած աղետները, Ռուսաստանի օգնությամբ
սպառնալից ձեռք բերելու նրանց վաղեմի
երազանքի մասին: Սակայն հայ ժողովրդի
երազանքները չեն իրականանում:

Ռուսաստանի մայրաքաղաքում Խրիմյանին
ընդունում են մեծ պատիվներով, նրան շնոր-
հում են ամենաբարձր պարգևներից մեկը՝
իշխան Ալեքսանդր Նևսկու շքանշանը: Սուրբ
Մինոդը Ամենայն Հայոց Հայրապետին նվի-
րում է ադամանդե խաչ վեղարի վրա կրելու
համար:

Համայն հայության Հայրիկ Մկրտիչ Խրիմ-
յանը իր երկար և դժվարին կյանքի տարի-
ներին անվեհեր կերպով ծառայեց իր Եկե-
ղեցուն և հարապատ ժողովրդին: Նա եղավ
իր նախորդների՝ Ներսես Ե Աշտարակեցու
(վախճանված 1857 թվականին) և Գևորգ
Դ-ի (վախճանված 1882 թվականին) արժա-
նի հաջորդը: Տասնինը տարիների իր իմաս-
տուն ղեկավարության շրջանում Մկրտիչ
Խրիմյանը իր ավնիվ հոգու բարձր արժա-
նիքները ի սպաս դրեց Հայ Առաքելական
Եկեղեցու բարօրությանն ու բարգավաճմանը:

Խրիմյանը հատկապես հոգում էր ժողո-
վրդի կրթության մասին: Նա մշտապես պըն-
դում էր, որ եկեղեցիների և վանքերի եկա-
սուսների պզալի մասն օգտագործվի նոր
դպրոցների ստեղծման համար, միաժամա-
նակ իր աջակցությունն էր բերում ուսումնա-
կան ծրագրերի ընդլայնմանը և հայկական
դպրոցների հոգևոր մակարդակի բարձրաց-
մանը:

Իր հրապարակախոսական աշխատություն-
ներից բացի, Մկրտիչ Խրիմյանը հեղինակել
է մի քանի աստվածաբանական, ինչպես նաև
բանաստեղծական և մանկավարժական եր-
կեր: Հատկապես հայտնի են նրա «Հրավի-
րակ Արարատյան» և «Հրավիրակ Երկրին
Սվետյայ» պոեմները՝ գրված Հայաստանում
և Պաղեստինում իր կատարած ճանապար-
հորդությունների ամսիջական ազդեցության
տակ, «Հայգույծ» (1877 թ.), «Վանգույծ»
(1878 թ.) պոեմները, որտեղ նկարագրված
են հայ ժողովրդի կյանքում տեղի ունեցած
ուղբերգական իրադարձությունները, «Սիրաք

և Սամուել» աստվածաբանական աշխատու-
թյունը, ինչպես նաև «Դրախտի ընտանիք»
խրատաբարդական գործը, որի մեջ շարա-
դրված են Հայ Եկեղեցու Հովվապետի հա-
յացքները ընտանեկան կյանքի և նրա հիմ-
քերի մասին:

Նրա մատենագրական վաստակի մեջ ա-
ռանձին արժեք են ներկայացնում մի շարք
պատմվածքներ, ակնարկներ և հայրենի երկ-
րի նկատմամբ մեծ սիրով տողորված նրա
«Պապիկ և թռռնիկ» վեպը, որտեղ պատկեր-
ված է ֆիզիկական ծանր աշխատանք կա-
տարող հայ գյուղացու կերպարը:

Մինչև իր կյանքի վերջին օրերը կաթողի-
կոս Մկրտիչ Խրիմյանը մեծ հեղինակություն
էր վայելում համայն աշխարհի հայության
մեջ: Նա երապում էր իր ժողովրդի միության
մասին, ամեն կերպ օգնում էր, որ գաղթա-
կանները վերադառնան Արևելյան Հայաս-
տան, որպեսզի «բոլոր կողմերից հայ պան-
դիստները իրենց երեսը դարձնեն դեպի ի-
րենց հրաշալի հայրենիքը»:

1907 թվականի նոյեմբերի սգո օրերին, երբ
թաղում էին Հայ Եկեղեցու մեծ Հովվապե-
տին, Ալեքսանդր Քալանթարը գրում էր իր
օրագրում. «...Հանգուցյալի մարմինը դեպի
իր վերջին հանգրվանը հողարկավորեցին
Գերաշնորհ Ս. Մաթևոս, Ս. Սարգիս, Ս. Գևորգ
և Ս. Գարեգին սրբազաններ

յանքով չի՝ ուրախանում միթե խաղաղորեն հավիտենականության գիրկն անցնող բարեպաշտ մարդու արդար հոգին:

Երթա՛ն խաղաղությամբ, Քրիստոսի այգու լսարի, մեծագործ մշակ»⁹:

Մայր Աթոռ Սուրբ Էջմիածնի պաշտոնաթերթ «Էջմիածին» ամսագրի 1971 թ. Բ համարում տպագրվել է Ամենայն Հայոց Հայրապետ Վազգեն Ա-ի «Խրիմյան Հայրիկ որպես դաստիարակ» հոդվածը: Հոդվածում ընդգծված է, որ Մկրտիչ Կաթողիկոսի մասին նախ և առաջ պետք է գրել և խոսել իբրև մանկավարժի: Իր ժողովրդի պատմության մեջ նա հայտնի է որպես հայ մանկավարժության հայրը:

«Գրելու համար Հայրիկի մասին, պետք է գրիչը թաթախել հայ ժողովրդի հույզերու և երազանքներու ավազանին մեջ, զի Ս. Ս. Մկրտիչ Խրիմյան Հայրապետը, համայն հայության գիտակցության մեջ, շատոնց ի վեր փառավորված է անթառամ լուսապսակով՝ իբրև անձնորդի քաջ Հովվապետ, իբրև դաստիարակ հայ շինականի, իբրև ռաիվիրա Լայրենյաց ապատության: Անոր ոգին կսավառնի այսօր ալ հայոց աշխարհի երկնակամարին ներքև, հավատք և հույս ներշնչելով մեր ժողովուրդին, լուսավոր նոր հորիվոններ բանալով դեպի ապագան»¹⁰:

Մկրտիչ Խրիմյան Կաթողիկոսի, մեծագործ մարդու, հանուն քրիստոնեական մեծ պատգամների մաքառող հոգևորականի պայծառ անունը, նրա փառապանծ կյանքը և ազնիվ գործերը ոսկյա տառերով են գրված Հայ Առաքելական Եկեղեցու բազմադարյան պատմության մեջ:

Մկրտիչ Խրիմյանի հովվապետական երկարամյա ծառայությունը ի բարօրություն իր հարապատ ժողովրդի և Հայ Առաքելական Եկեղեցու եղել է բազմակողմանի, արյունալի և պսակվել է փայլուն հաջողությամբ: Հեռաւտեա և իմաստուն Հովվապետը իր գործունեությամբ նախապատրաստեց Հայաստանի մշակութային և հոգևոր վերածնությունը,

սկիզբ դրեց աշխարհով մեկ ցրված հայերի ազգահավաքման գործին, պորացրեց նրա ձգտումը դեպի Հայաստանյայց Եկեղեցին և համախմբումը նրա շուրջը: Այն գործը, որին իր ամբողջ կյանքի ընթացքում ծառայել է Կաթողիկոս Մկրտիչ Խրիմյանը, շարունակեցին Քրիստոսի այգու մյուս մշակները, ինչպիսիք էին՝ Մաթևոս Բ Իսկիրյան (1908—1910), Գևորգ Ե Սուրենյանց (1911—1930) և անսոռանալի Գևորգ Զ Չեղրեքչյան (1945—1954) Ամենայն Հայոց Հայրապետները:

Ռուսաստանի հետ Արևելյան Հայաստանի միավորման 150-ամյակին նվիրված հանդիսավոր տոնակատարության օրերին Ամենայն Հայոց Կաթողիկոս Վազգեն Ա-ն 1978 թվականի հոկտեմբերի 3-ին արտասանած իր ճառում ասում էր.

«Հայ ժողովուրդը, որ իր քաջ որդվոց ծով արյան ճանապարհով հասել է մեր օրերի իր ազգային վերածնունդի լուսաբացին, իր պեւականության կազմավորման, միշտ ռուս ժողովրդի եղբայրական օգնությամբ, այսօր վարձել է արդեն իր գերագույն շահերին գիտակից ազգություն, իր սեփական ուժերի վրա հավատք ունեցող ազգություն, իր ապագայի նկատմամբ լավատեսությամբ համակված ազգություն: Նաև մի ազգություն, որ գիտե հարգել ու փառավորել հիշատակը իր պավակների հերոսական ճիգերի և զոհաբերումների, որոնք արյամբ ներկեցին հայոց ազատագրական պայքարի ճանապարհը: Սրբազան պայքարի մի ճանապարհ, որի վրա իրենց արյունը թափեցին նաև մեր ռուս եղբայրները... Անցյալի փորձառությամբ լուսավորված՝ պարտավոր ենք հառաջ ընթանալ դեպի մեր ապագան, մեր ուտքերի տակ մեր մայր հողը ունենալով որպես ամուր պատվանդան»:

Մի այլ ելույթում նա նշում էր. «Հայ ժողովուրդը այսօր ազգություն է իր արդի պետականությամբ և հայրենաբնակ ժողովրդով, սովետական եղբայրական հանրապետությունների մեծ Միության մեջ»:

Ա. ՌԻՄՈՎ

⁹ Ա. Քալանթար, Իմ հուշերից, Թիֆլիս, 1911 թ.: